

NGUNI JESU Wamasimpe Wa Bbaibbele

Bantu banji baka pegwa izina eeli lya “Jesu”. Muziindi zya nsiku zyaambwa mu Bbaibbele, kupa zina ku mwana caali cintu cipati kwiinda mazuba aasunu. Mazuba aasunu, mazina alapegwa kubana ndiza nkaambo kabantu bamwi bamukowa, na bajisi cilongwe andiswe. Cimwi ciindi nkaambo kakuti zina eelyo lilatubotela. Muziindi zyansiku zya Bbaibbele, mazina akali kupegwa nkaambo akajisi bupanduluzi bwa zintu zimwi kapati eezyo zyaali kupandulula Leza. Paulo ula tucenjezya muli 2 Bakorinto 11:4 ikuti tuta kambauki Jesu uumbi. Tuyanda kumyaambila Jesu wa Bbaibbele. Kunyina muntu umwi unga wa zuzikizya bupanduluzi bwa zina lya Jesu pele buyo Jesu Kristo nkaambo.

Cakusaanguna, Mwana-a-Leza.

“..muuya uusalala uzoboola alinduwe, anguzu zya-Leza mupati zizookuvumba; Nkokuti ooyo uusetekene uti kazyalwe kulinduwe uzooitwa kuti mwana-aLeza” Luka 1:35. *“Nkaambo Leza waka yandisya bantu bamunika wakabapa mwana-akwe simuzyalwa alike kuti umwi umwi uumusyoma atafwidilili pele abe abuumi butamani... nkaambo Leza taakwe naka tuma Mwana-akwe munyika kuti azooibeteke pele kuti muli nguwe bantu bafutulwe.”* Johane 3:16,17. Awalo ngo Leza Mwana. *“Kumatalikilo kwali jwi awlo jwi wakali klui Leza awalo jwi wakali Leza....Ijwi wakali fungula wakaba mubili wakazookalakala andiswe...”* Johane 1:1,14; *“Kakunyina kukazya mapati maseseke abuna leza; Leza wakalibonya mumubili.”* 1 Timoteo 3:16.

Cabili; Nguwakaba cituuzyo caala kuyandika calo Leza uusetekene ncanga watambula.

Testamente yakale ila tutondezya caantagalala kuti inzila buyo ilike njetunga twatambulika kuli Leza nciuzuzyo. *“Eno nokuluyando olu nkotwakasalazizigwa, nkaambo ka Jesu Kristo wakatuula mumubili wakwe lweedo lomwe luzutu. Alimwi mupaizo omwe ulaima kukukomba mazuba oonse, ulapailila zipaizyo nzizyonya ezyo tunjitunji, anu nokubaboobo ezi zipaizyo enzyo nzezikonzya kutwaangulula kuzibi. Anu walo Jesu naakamana kutuulila zibi cipaizyo comwe citamani, wakaakukala kululyo lwa-Leza.”* Baebra 10:10-12. Eeci cipandulula kuti incito yakwe mbuli mupaizo ilatambulwa, acituuzyo cakwe cilikwene.

Catatu; Ngoguwe waka njila abusena bwesu.

Bzyali besu ba kusaanguna nebakaka kuswiilila Leza, baka sweekelwa busena anguzu zyaku ba mukukwasyi wa Leza. Nkokuti Adamu wakaleta lutuko lwa cibi alinguwe mwini aswebo twakazwa kuli nguwe; nkaambo Adamu waka lengwa

mucinkozya ca Leza (Matalikilo 1:27). Pesi bakazwa Ikuli Adamu boonse bakabweza cinkozya cakwe cacibi cili muli Adamu (Matalikilo 5:3). Nkokuti umwi weelede kupengela bantu boonse kuti bapiluke kubusalali bwakusaanguna, kabatana kusotoka mulao wa-leza. Tikwaelede kuba mbabo ba Adamu nkaambo bakali amulandu wa cibi (Matalikilo 2:17). Oyo uupengela cibi weelede kuba uutajisi cibi kuti anunune bali mucibi. Jesu ulaambwa mu Bbaibbele ikuti *“Walo teewakacita cibi pe Alimwi teemwakajanwa lweeno mumulomo wakwe... pele ngonguwe oyo uwakasunkwa mbubonya mbuli ndiswe, nekubaboobo taakwe naakacita cibi.”* 1 Petro 2:22; Bahebrayo 4:15.

Leza muluse lwakwe wakacitila ba Adamu aba Eva zikutu zyakusama. Eeci citondezya kuti munyama wakafwa pele bulowa bwaka tika. Eeci caalicitondezyo ca Jesu kuti uyoofwa akutila bulowa bwakwe nkaambo kazibi zyesu. Banyama banji-banji bakafwa muciiindi catestamente ya ciindi mubusena bwabasimucitazibi. Bahebrayo ilatwaambila, *“Nkaambo bulowa bwaba cende abwampongo tabukonzyi kugwisya zibi.... Nkabela taakwe naakatola bulowa bwampongo nobuba bwan’gombe, wakatola bulowa bwakwe mwini, eno wakaindilila akunjila komwe luzutu mubusena busalalisya cakwiinda aboobo wakaleta kununuko lutamani.”* Bahebrayo 10:4; 9:12.

Cane, Ngomufutuli.

Izina lyakuti Jesu lipandulula kuti “leza ulafutula” na “Leza mufutuli wesu.” Mungelo nakaambila Josefa ikuti mwana uyoozyalwa kuli Maria bayomuulika zina lya Jesu (Matayo 1:20,21) waali kupandulula ciindilila azina. *“nkaambo uyoonununa bantu bwakwe kuzwa mububi.”* Muntu woonse Leza ngwayanda ulamufutula, Ufutula kwiindila muzina lya

Jesu. Jesu wakati “Ndime nzila ndime bwini abuumi, taakwe uza kuli Taata cita mulindime.” Johane 14:6. “Taakwe lufutuko muli umwi. Nkaambo taakwe zina Iya kapegwa kubantu bamunyika linga lyabafutula.” Ncito 4:12

Mweenzuma ooyandwa, koyeeya eeconca kakucitila leza mukukupa Jesu kuti afwe mubusena bwako, kuti yebo similandu ulekelelwe zibi zyako. Sena uyakuziba ikuti uyanda Jesu mubuumi bwako? Sena ulizi kuti ulisizibi ujisi lutuko lwa-Leza? Sena uyoolomba Leza kuti akulekelele zibi zyako na? Mukambausi Paulo wakati, “Lyakuti anooli wazumina kumulomo wako kuti Jesu ngu- Mwami, akusyoma mumoyo wako kuti Leza wakamubusya kubafu noti futulwe.” Baroma 10:9. Sena uya kweempwa (kusanduka kuzibi zyako)? Sena uyakutambula Jesu kuti necituuzyo alimwi ngomufutuli wakafwa mubusena bwako na? Na uyanda kucita boobo, utulembele kuti tuzibe, kuti tusekelele andiwe.

Nawa sala kusyoma Jesu Kristo kuti abe mufutuli noomana
kubala kapepa aka, utu lembele kuti tu zibe.

Izina _____

Keyala _____

Dolopo _____

Cisi _____

Myaka yaku zyalwa _____



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 8197 (Tonga)

All tracts free as the Lord provides. Not to be sold.